

四庫全書

子部

欽定四庫全書

冊府元龜卷九百八十一 宋 王欽若等 撰

外臣部

盟誓

周官司盟掌盟載之法蓋邦國會同之制也其於四夷則胡人彈骨越人剗臂與夫中國歃血所繇各異示信一也若乃要荒之俗凶悍成性置之度外斯為匪人先王於是羈縻而不絕之也然而威力有所不及德義有

所不懷姑務息民非可黷武繇是申以詛誓質於神明
達之以誠心要之以禍福然後邊鄙不聳保障以寧倒
載干戈而阜安生齒茲亦長轡遠御之一術也至或飭
其詐諛臨事生變志圖剽劫以快匈奴此亦豺狼之常
性豈謀之不臧者乎

魯隱公二年春公會戎于潛修惠公之好也戎請盟公
辭秋八月庚辰公及戎盟于唐復修戎好也

唐魯地

桓公二年七月公及戎盟于唐修舊好也

僖公三十二年四月衛人侵狄秋衛人及狄盟

文公八年十月公子遂會伊雛之戎盟于暴

哀公十九年秋三夷男女及楚師盟于敖

秦昭襄王時板楯蠻夷居巴郡閭中時有一白虎常從群虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有巴郡閭中夷人能作白竹之弩乃登樓射殺白虎昭王嘉之而以其夷人不欲加封乃刻石盟要復夷人頃田不租十妻不算

傷人勿論殺人得以贖他濫錢贖死盟曰秦犯夷輸黃龍一雙夷犯秦輸清酒一鍾夷人安之

漢宣帝時與呼韓邪單于約束自長城以南天子有之長城以北單于有之有犯塞輒以狀聞有降者不得受元帝時遣車騎都尉韓昌光祿大夫張猛送呼韓單于侍子昌猛見單于民衆益盛塞下禽獸盡單于足以自衛不畏郅支聞其大臣多勸單于北歸者塞下無禽獸則射獵無所

得又不畏郅支恐北去後難約束

不可更共為言要

昌猛即與

為盟約曰自今以來漢與匈奴合為一家世世毋得相詐相攻有竊盜者相報行其誅償其物

漢人為盜于匈奴人為盜

于漢皆相報告而誅償有寇發兵相助漢與匈奴敢先背約者受

天不祥令其世世子孫盡如盟昌猛與單于及大臣俱

登匈奴諾水東山

諾水即今突厥地諾真水也

刑白馬單于以徑路

刀金留犁撓酒

徑路匈奴寶刀也金契金也留犁鉗匕也撓呼高切和也

攬飲以老上單于所破月氏王頭為飲器者共飲血盟

昌猛還奏事公卿議者以為單于保塞為藩雖欲北去猶不能為危害昌猛擅以漢國世世子孫與夷狄詛盟

令單于得以惡言上告于天羞國家傷威重不可行宜遣使往告祠天與解盟昌猛奉使無狀罪至不道帝薄其過有詔昌猛以贖論勿解盟

平帝時西域車師後王句姑

句音鈞

去胡來王唐兜

為具去胡

而來降漢故以為王號降匈奴詔令單于執還使中郎將王萌待

西域惡都奴界上逆受

惡都奴

西域之谷名

單于遣使也逆受逆而受之

送到國因請其罪使者以聞有詔不聽不免其罪會西域諸

國王斬以示之乃造設四條

更新為此制也

中國人亡入匈奴

者烏孫亡降匈奴者西域諸國佩中國印綬降匈奴者

烏桓降匈奴者皆不得受遣中郎將王駿王昌副校尉甄阜王尋使匈奴班四條與單于雜函封與璽書同函而封之付

單于令奉行因收故宣帝所為約束封函還

宋師子國王刹利摩訶南奉表遣一白衣送牙臺像以

為信誓史缺年月

唐高祖武德七年八月頡利突利二可汗舉國入寇道自原州連營南上太宗時為秦王受詔北討與虜遇於幽州醜徒震駭因而請和太宗許之結盟而去又云突利武德

初深自結託太宗亦以恩撫之結為兄弟與盟而去

太宗以武德九年八月即位是月辛巳突厥寇高陵癸未帝幸渭水之上與頡利隔津而語責其負約頡利請和詔許之乙酉幸城西刑白馬與頡利同盟于便橋之上突厥引兵而退

高宗麟德二年八月開府儀同三司新羅王金法敏熊津都尉扶餘隆盟于百濟之熊津城初百濟自扶餘璋與高麗連和屢侵新羅之地新羅遣使入朝求救相望

於路及蘇定方既平百濟軍回餘衆又叛鎮守使劉仁
軌仁願等經畧數年漸平之詔扶餘降歸撫餘衆及令
與新羅和好至是刑白馬而盟先祀神祇及川谷之神
而後歃血其盟文曰往者百濟先王迷於順逆不敦隣
好不睦親姻結託高麗交通倭國共為殘暴侵削新羅
剽邑屠城畧無寧歲天子憫一物之失所憐百姓之無
辜頗命行人遣其和好負險恃遠侮慢天經皇赫斯怒
恭行弔伐旌旗所指一戎大定固可濬宮汚宅作誠來

裔塞源拔本垂訓後昆然懷柔伐叛前王之令典興亡
繼絕往哲之通規事必師古傳諸曩冊故立前百濟太子司稼正卿扶餘隆為熊津都督守其祭祀保其桑梓
依倚新羅長為與國各除宿憾結好和親恭承詔命永
為藩服仍遣使人右威衛將軍魯城縣公劉仁願親臨
勸諭具宣成旨約之以婚姻申之以盟誓刑牲歃血共
敦終始分災恤患恩若兄弟祇奉綸言不敢失墜既盟
之後共保歲寒若有背盟二三其德興兵動衆侵犯邊

陸明神監之百殃是降子孫不育社稷無守禋祀磨滅
因有遺餘故作金書鐵券藏之宗廟子孫萬代無敢違
犯神之聽之是享是福劉仁軌之辭也歎訖埋書牲幣
於壇之壬地藏其書於新羅之廟於是仁軌領新羅百
濟耽羅倭人四國使浮海西還以赴太山之下

玄宗開元二年五月吐蕃宰相坌達延獻書于宰臣曰
兩國地界事資蚕定界定之後然後立盟書大夫解琬
昔在安西界望使會于河源相與展議蕃之願也帝聞

之命左散騎常侍解琬使於河源宰臣魏知古姚崇盧懷慎等致書報達延曰承屯聚兵馬初不知者頗亦為疑但以彼國君臣素敦信義况立盟誓又結婚姻悠悠之談復何足信若見利忘義破親負約神道不遠何以逃殃自見來書果符合意揣兩國和好百姓安寧永絕邊患豈非好事所論分界先有盟書今奉勅令左散騎常侍解琬往河源與公平章解琬國之重臣素有德行言無二諾衆所共推昔嘗充使西安備諳彼之境土今遣

將命實惟命焉琬既行勅琬費神龍二年吐蕃誓文與

達延定界

臣欽若等曰神龍
二年盟誓事史缺

六月吐蕃使其宰相尚欽藏及御史名悉獮來獻盟書
帝御承天門樓命有司引見置酒於內殿享之

十一月己酉賜丹書鐵券于奚都督烏褐頡利發契丹
伊健啜

六年十一月吐蕃遣使奉表曰仲冬極寒伏惟皇帝舅
萬福使典軍馬集併吐蕃使判悉獮等同至其書共傳

語并悉具委所緣和事者孝和帝在日其國界並是逐
便斷當訖彼此亦已盟誓漢宰相等官入誓者僕射豆
盧欽望魏元忠中書令李嶠侍中紀處訥蕭至忠侍郎
李迴秀尚書宗楚客韋安石楊矩等一十人吐蕃宰相
等亦同盟誓訖遂迎公主入蕃彼此安穩於後太上皇
登極親好並相和同雖復如舊其漢宰相入誓者並已
歿于後宰相不知已前要契當令望重立盟誓舅甥各
親署盟書宰相依舊作誓彼此相信亦長安穩此處使

人論乞力徐尚奔時宋俄等前後七廻入漢比論皇帝
舅親署誓書事復遣宰相作誓外甥亦親署宰相亦作
呪如此使七回來去阿舅却報言舅甥親自手署誓書
及彼此宰相作呪阿舅云大是好事及至今日阿舅手
署不見宰相作呪亦無又西頭張玄表將兵打外甥百
姓又李知古亦將兵打外甥百姓既緣如此違誓失信
所以吐蕃遂發兵馬今奉阿舅書以前所有嫌惡並悉
不論自今以後依前和睦大是好事在此外甥亦同阿

舅來意阿舅必定和好所以遣使人往來亦得文不須重盟誓者緣孝和皇帝時舊漢宰相人盟誓者並無阿舅必以和好不重作盟誓彼此不相信要須新立盟誓即日未知國事亦不繇官寮並皆自決但是百姓擬遣安業久長快活阿舅書上雖道和好意中不專知有何益今日必定和好此處速却回的實相報來書云乞力徐此集兵馬者准舊例兵馬新舊交替若道別集兵馬並是虛言又往者平論地界白水已來中間並合空閒

昨秋間郭將軍率聚兵馬於白水築城既緣如此吐蕃
遂於界內道亦築一城其兩國和同亦須迎送使命必
若不和其城彼此守捉邊境又以北突厥骨吐祿共吐
蕃交通者舊時使命實亦交通中間舅甥和睦已來准
舊平章其骨吐祿阿舅亦莫與交通外甥亦不與交今
聞阿舅使人頻與骨祿交通在此亦知為不和中間有
突厥使到外甥處既為國王不可久留外國使人遂却
送歸即日兩國和好依舊斷當吐蕃不共突厥交通如

舅不和自外諸使命何入蕃任伊去來阿舅所附信物
並悉領外甥今奉金胡瓶一瑪瑙盃一伏惟受納

十八年十月吐蕃使名悉獵等至京詔御史大夫崔琳
充使報聘仍於赤嶺各監分界之碑約以更不相侵十

二年遣將軍李佺
于赤嶺分界立碑

二十四年吐蕃與漢樹柵為界置守捉使河西節度使
散騎常侍崔希逸謂吐蕃將乞力徐曰兩國和好何須
守捉妨人耕種請皆罷之以成一家豈不善也乞力徐

報曰常侍忠厚必是誠言但恐朝廷未必皆相信任萬
有一人交搆掩吾不備後悔無益也希逸固請之遂發
使與乞力徐殺白狗為盟各去守備於是吐蕃畜牧被
野

天寶元年九月以護密國王子頡吉里匐遣使上表請
北吐蕃來屬賜鐵券曰咨爾護密王子頡吉里匐夫藩扞
可寄惟信是從節義可積雖遠無隔卿之先代常附國
朝通使有常書譯相次自卿父繼立近阻強隣被制凶

威有乘夙志今遂能獻誠欵潛託歸懷自非心晤遠圖
何以克存先意念此誠懇嘉尚尤深今賜卿丹書鐵券
以旌忠孝長表信義永傳子孫日月同明山河齊久可
不羨歟可不慎歟

肅宗元年建寅月吐蕃使來朝請和勅宰相於中書設
宴將詣光宅寺為盟使者曰蕃法盟誓取三牲血歃之
無向佛寺之事請明日復於鴻臚寺歃血以申蕃戎之
禮從之

代宗廣德三年秋回紇犯邊先以關內副元帥郭子儀
屯涇陽十月回紇首領羅達工等率其衆二千餘騎詣
涇陽請降子儀許之合胡祿都督等與宰相磨咄莫賀
達于宰相墩莫賀達于宰相護都毗伽將軍宰相揭拉
裴羅達于宰相梅錄大將軍羅達于平章事海寧闢達
于等子儀先執杯合胡祿都督請呪子儀呪曰大唐天
子萬萬歲回紇可汗亦萬萬歲若起負心背盟約者身
死陣前家口屠戮合胡祿都督等失色及杯至即譯曰

如令公盟約皆喜

永泰元年三月吐蕃遣使請和詔宰臣元載杜鵑漸與之盟于興唐寺

大歷二年四月宰臣及內侍魚朝恩與吐蕃使同盟于興唐寺

德宗建中二年十二月入蕃使判官監察御史常魯與吐蕃使論悉諾羅等至自蕃中初魯與其使崔漢衡至列館贊普令止之先命取國信勅書既而使謂漢衡曰

來勅云所貢獻物並領訖今賜外甥少信物至宜領取
我大蕃與唐舅甥國耳何得以臣禮見處又所欲定界
雲州之西請以賀蘭山為界其盟約請依景龍二年勅
書云唐使到彼外甥先與盟誓蕃使到此阿舅亦親與
盟乃徵漢衡遣使奏定魯使還奏帝為改勅書以貢獻
為進以賜為寄以領取為領之且謂曰前相楊炎不循
故事致誤此耳其定界盟約並從之

三年十月以都官員外郎樊澤兼御史中丞入吐蕃計

會使初漢衡與吐蕃約以十月十五日定界盟誓漢衡到商度未決已過其期遂命澤詣結贊復定盟會期且告遣隴右節度使中書侍郎平章事張鎰與之同盟澤至故原州西與結贊相見約以來年正月十五日會盟於清水西

四年正月詔隴右節度使張鎰與吐蕃相尚結贊等盟於清水將盟鎰與結贊約各以二千人赴壇所執兵者半之列於壇外二百步散從者半之分立壇下鎰與賓

佐齊抗及會盟官崔漢衡樊澤常魯于頓等十人皆朝服結贊與其本國將相論悉頰藏論藏熟乞利陁斯官者論乞力徐等七人俱升壇為盟初約漢以牛蕃以馬為牲鑑恥與之盟將殺其禮乃請結贊曰漢非牛不田蕃非馬不行今請以羊豕犬三物代之結贊許諾時塞外無豕結贊請出羝鑑出犬白羊乃於壇北刑之雜血二器而歃盟文曰唐有天下恢奄禹跡舟車所至莫不率俾以累聖重光卜年惟永彰王者之丕業被四海以

聲教與吐蕃贊普代為婚姻固結隣好安危同體甥舅之國將二百年其間或因小忿棄惠為讎封疆騷然靡有寧歲皇帝踐祚愍茲黎元俾釋俘囚以歸蕃落蕃國展禮同茲叶和行人往復累布成命是必詐謀不起兵革不用矣彼猶以兩國之要求之永久古有結盟今請用之國家務息邊人外其故地棄利蹈義堅盟從約今國家所守界涇州西至彈筭峽西口隴州西至清水縣鳳州西至同谷縣暨劍南西川大渡水東為漢界蕃國

守鎮在蘭渭原會西至臨洮又東至成州抵劍南西界
磨些諸蠻大渡水西南為蕃界其兵馬鎮守之處州縣
見有居人彼此兩邊見屬漢諸蠻以今所分見住處依
前為定其黃河以北從故新泉軍直北至大磧直南至
賀蘭山駝駘嶺為界中間悉為閒田盟文有所不載者
蕃有兵馬處蕃守漢有兵馬處漢守並依見守不得侵
越其先未有兵馬處不得新置并築城堡耕種今二國
將相受辭而會齋戒將事告天地山川之神惟神焰臨

無得愆墜其盟文藏于宗廟副在有司二國之成其永保之結贊亦出盟文不加于坎但埋牲而已盟畢結贊請鑑就壇之西南隅佛幄中焚香為誓誓畢復升壇飲酒獻酬之禮各用其物以將厚意而歸四月加荅蕃使崔漢衡檢校工部尚書帝初令宰相尚書與蕃相區頰贊盟于豐邑里壇所將盟以清水之約疆場不定遂罷因留頰贊未遣復令漢衡決於贊普七月以國子祭酒李揆為禮部尚書御史大夫入蕃會盟使壬辰命宰相

李忠臣盧杞關播右僕射崔寧工部尚書喬琳御史大
夫于頎太府卿張憲恭司農卿段秀實少府監李昌夔
京兆尹王翊左金吾衛大將軍渾瑊等與吐蕃宰相區
頗贊等會盟於壇所初于頎至自蕃中與尚結贊約疆
場既定請歸其使從之以豐邑坊盟壇在京城之內非
便請卜壇於京城之西其禮如清水之儀先盟二日命
有司告太廟盟官致齋三日朝服升壇宰相關播跪讀
盟文盟畢宴賜而遣之甲午以李揆為右僕射兼官充

使如故

貞元三年五月戊子以侍中渾瑊為吐蕃清水會盟使
兵部尚書崔漢衡為會盟副使司勲員外郎鄭叔矩為
判官己丑渾瑊赴會盟所帝令瑊統衆二萬餘又遣華
州潼關節度駱元光赴之乙巳帝令宰臣召吐蕃使諭
結贊等於中書議會盟之所初崔漪與尚結贊約復會
盟于清水且先歸我鹽夏二州結贊固云清水非吉地
請盟于原州之土梨樹又請盟畢歸二州漪遣使與結

贊同奏帝將懷柔故皆從之約以閏五月十五日盟于
土梨樹丁未帝召宰相議與吐蕃會盟之所先是左神
策將馬有麟奏土梨樹地多險隘恐戎軍隱伏不利於
我平涼川四隅坦平且近涇州就之為便及是定盟所
于平涼川從有麟之言也時蕃使論結贊已復命遽追
告還而遣之閏五月辛未渾瑊與蕃相結贊會盟于平
涼初瑊與結贊約以兵三千人列于壇之東西散手四
百人至壇下及將盟又約各遣遊軍以相覘伺結贊擁

精騎數萬於壇西蕃之遊軍貫穿我師。臧之將梁奉貞率六十騎為遊軍纔至蕃中皆被執留。臧不虞也。結贊又遣謂臧曰：請侍中已下服衣冠劍佩以俟命。蓋誘其下馬將劫持之。臧與副使兵部尚書崔漢衡監軍特進宋奉朝等皆入幕次。坦無他虞。結贊命伐鼓三聲。其聲呼譟而至。臧遽出自幕後。偶得他馬。不加銜。臧伏於亂而手加之。凡馳十餘里。衝方及口。故追騎之矢過而不傷。馬惟臧之裨將辛榮招合數百人據北阜與賊接戰。

須臾賊衆四合榮力屈而降奉朝及臧判官殿中侍御
史韓弇並為亂兵所殺漢衡及中官劉延邕俱文珍李
朝清漢衡判官司勲員外鄭叔矩臧判官檢校戶部郎
中路泌掌書記袁同直大將扶餘準馬寧及神策鳳翔
河東將孟日華李至言樂演明范澄馬弇等六十餘人
皆陷焉餘將士及夫役死者四五百人驅掠者千餘人
咸被解奪其衣物漢衡為亂兵所擊其從吏呂溫以身
蔽之刃中溫而漢衡獲免漢衡乃夷言謂執者曰我漢

使崔尚書也結贊與我善汝欲殺我結贊亦殺汝乃捨之盡馳而西行既而面縛各以一木自領於身以毛繩三束之又以繩連其髮而牽之夜皆踣之於地以髮繩各繫於一榦又以毛罽都覆之守衛者卧其上以防其亡逸也以甲戌至故原州結贊坐於帳中召與相見數讓國家因怒渾瑊曰武功之力皆我之力許以涇州靈州相報竟食其言負我矣舉國所怨本劫是盟在擒瑊也吾遣以金銀飾桎梏待瑊將獻於贊普既已失之虛

致君等耳當遣君輩一二人歸報家族也呂溫帶瘡亦
至結贊嘉其義厚給賚之結贊率其衆屯於石門遣中
官俱文珍渾瑊之將馬寧馬燧之將馬弇歸於我遂送
漢衡叔矩等囚於河州辛榮扶餘準等或囚於故郭州
故鄯州分囚之結贊本請杜希全李觀同盟將劫執二
節將乘其銳來犯京師希全等既不行又欲劫執渾瑊
長驅入寇其始謀狡蠹如此癸酉帝遣中官王子常賈
詔書以遺結贊蕃界不納而還初瑊與駱元光將發涇

州元光謂城曰本奉詔命令營於藩原堡以應援侍中
竊以藩原堡去盟所六七十里蕃情多詐侍中倘有惡
我何繇知之請次為營以虞其變城以非詔旨固止之
元光竟與同進城之營西去盟所二十餘里元光營次
之其濠柵頗深固城之濠柵可踰焉及城單騎奔歸未
及其營守將李朝彩不能整衆多已奔散城之至也空
營而已器械資糧悉棄之賴元光之衆陣於營中城既
入賊追騎方退元光乃先進輜重次與城俱申其號令

嚴其部伍而還時以為有將帥之風焉帝特嘉之賜良馬十疋金銀器及錦綵甚厚璡復鎮于奉天七月甲寅侍中渾璡自會盟所來朝素服待罪有詔釋之而後謁見初宰相柳渾曰吐蕃叛服無常難以信結李
歲曰今日之事誠如渾言事具宰相識量門

穆宗長慶元年九月吐蕃請盟帝許之宰相欲重其事請告太廟太常禮院奏曰謹按肅宗代宗故事與吐蕃會盟并不告廟惟德宗建中末與吐蕃會盟於延平門欲重其誠信特令告廟至貞元三年會於平涼亦無告

廟之文伏以事出一時又非經制求之典禮亦無其文
今謹叅詳恐不合告從之乃命大理卿兼御史大夫劉
元鼎克西蕃會盟使以兵部郎中兼御史中丞劉師佐
為副尚舍奉御兼監察御史李武京兆府奉先縣丞兼
監察御史李公度為判官是年十月命宰臣崔植王播
杜元穎並赴與吐蕃誓壇所太常禮院奏應赴會盟官
尚書右僕射韓皋御史中丞牛僧孺吏部尚書李絳兵
部尚書蕭俛戶部尚書楊於陵禮部尚書韋綬太常卿

趙宗儒司農卿裴武京兆尹柳公綽右金吾衛將軍郭
鏕並令赴壇所其誓辭曰維唐承天撫有八紘聲教所
臻靡不來廷兢業齋栗懼其隕顛纘武紹文疊慶重光
克彰濬哲固泰洪緒十有二葉二百有四載則我太祖
權明號而建不技鋪鴻名而垂永久類上帝以答嘉應
享皇靈以酬景福曷有怠已越歲在癸丑冬十月癸酉
文武孝德皇帝詔丞相臣植臣播臣元頴等與大蕃和
使禮部尚書論訥羅等會盟于京師壇于城之西郊坎

于壇北凡讀誓牲加書復壞陟降周旋之禮動無違
者蓋所以偃兵息人崇姻繼好懋建遠畧規恢長利故
也原夫昊穹上臨黃祗下載茫茫蠹蠹之類必資官司
為厥宰臣苟無統紀則相滅絕中夏見嘗維唐是君西
裔一方大蕃為主自今而後屏去兵革宿忿舊惡廓然
消除追崇舅甥曩昔繫援邊候撤警戍烽韜煙患難相
卹暴掠不作亭障甌脫絕其交侵襟帶要害謹守如故
彼無此詐此無彼虞嗚呼愛人為仁保境為信畏天為

智事神為禮有一不至遘災于躬塞山崇崇河水湯湯
日吉辰良奠其兩疆西為大蕃東實巨唐文臣執簡播
告狄方大蕃贊普及宰相鉢闡布尚綺心兒等先寄盟
文要節云蕃漢二邦各守見管本界彼此不得征討不
得相為寇讎不得侵謀境土若有所疑或要捉生問事
優給衣糧放還今並依從更無添改預盟之官十七人
皆列名焉是月劉元鼎等與論訥羅同赴吐蕃本國就
盟仍勅元鼎到彼令宰相已下各于盟文後自書名元

鼎至磨容館之間與蕃給事中論悉答熟擁千餘騎議
盟事於藏河北川中時贊普建衙帳于野以柵槍為壘
每十步攢長槊百枝而中建大旆次第有三門相去百
步門有甲士巫祝烏冠虎帶擊鼓掃箭入者必搜索而
進內起高臺環以寶楯帳曰金帳其中緣飾多以金為
蛟螭虎豹之狀至甚精巧元鼎既見贊普年可十七八
號可黎可足麌衣白褐以朝霞纏頭坐佩金劍國政蕃
僧號鉢掣逋立於座右侍中宰相列於臺下翼日於衙

帳西南具饌饌味酒器畧與漢同樂工奏秦王破陣樂
涼州緣腰胡渭州百戲等皆中國人也所築盟臺闊十
步高二尺漢使與蕃相及高位者十餘人相向列位首
領百餘人坐于壇下壇上設一榻高五六尺使鉢掣逋
讀誓文則蕃中文字使人譯之讀訖歃血惟鉢掣逋不
預以僧故也盟畢於佛像前作禮使僧諷文以為誓約
鬻金呪水飲訖引漢使焚香行道相賀而退及元鼎回
過河州元帥尚榻藏即蕃和尚綺心兒也館元鼎於大

夏川中集東節度使將帥凡百餘人耆本國所署盟文
於臺上高聲曉讀讀訖因約束各守封界無相侵掠繇
是太和已來隴外稍安

冊府元龜卷九百八十一

欽定四庫全書

冊府元龜卷九百八十二 宋 王欽若等 撰

外臣部

征討

夫中國之於夷狄羈縻勿絕而已其或申威攘之令舉
攻伐之兵亦所以討不惠遏內侮震耀王靈攘除民患
誠不得已而用之也自帝軒之世降及三代蠢茲荒獫
嘗聞猾夏蓋亦陳師薄伐殲夷驅逐流乎雅頌紀乎春

秋秦漢之後邊患繼作曷嘗不厲兵鞠旅賦車籍馬徂
征燬伐以見武節或頻出而無寧歲或畧地而極遐徼
以至宣威固圉庶民賴其保障解紛救患殊俗被乎恩
信原夫要荒之外聲教罕暨鷙猛以成性貪慾而無厭
自非內敦乎德義外施乎武怒亦何以革其禍心而靖
其亂畧哉嚴尤所謂戎狄之侵譬猶蟲蠹之蟻蝥之而
已真知言者歟

黃帝北逐葦粥

匈奴傳曰唐虞以上有山戎狼羆葦粥居于北蠻

夏后相二年征黃夷先是太康失國四夷背叛及后相即位乃征畎夷七年然後來賓

商成湯即位征畎夷先是后桀之亂畎夷入居邠岐之間成湯既興伐而攘之

高宗伐鬼方三年乃克

鬼方西羌也

武乙三十五年周王季伐西落鬼戎俘二十翟王也
太丁二年周人伐燕京之戎

四年周人伐余無之戎克之周王季命為殷牧帥也

七年周人伐始呼之戎克之

十一年周人伐翳徒之戎捷其三大夫

周文王时西有昆夷之患北有玁狁之難遂攘戎狄西戎之國莫不賓服

成王时東伐淮夷踐奄

奄國在淮夷之北遷其君薄姑齊地

穆王时戎狄不貢王行大戎獲其五王

夷王時荒服不朝乃命虢公伐太原之戎至于俞泉獲

馬千匹

宣王時命秦仲伐戎為戎所殺乃召秦仲子莊公與兵
七千人伐戎破亡又命名穆公虎平淮夷先是懿王時

戎侵中國宣王興國命將以征伐之詩人美大其功曰

薄伐獫狁至于太原小雅六月之詩也

薄伐言逐出之

出車彭彭城彼

朔方小雅出車之詩也彭彭盛也朔方地也

言獫狁既去北方安靜乃築城以守

又命方叔

為將南征荊州之蠻作采芑詩曰方叔蒞止其車三千

師干之試師衆干扞試用也

又曰蠢爾蠻荆大邦為讎方叔元

老克壯其猶猶道也又曰顯允方叔征伐獫狁蠻荆來威

方叔先與吉甫征伐猃狁今特往
伐蠻荆皆使其來服于宣王之威

襄王十五年以翟王女為后十六年復紂翟后王子帶
開翟人翟人遂入周襄王出奔溫居外四年乃使使告
急于晉晉文公初立欲修霸業乃興師伐戎翟誅子帶
迎內襄王于雒邑當是時秦晉為強國晉文公攘戎狄
居于西河圖雒之間固音罵地理志固水出上郡白土縣西東流入于河固水即今銀州
銀水是也雒水今號曰赤翟白翟
亦謂之漆沮也

二十四年狄伐晉晉侯敗狄于箕郤缺獲白翟子

頃王時魯叔孫得臣敗翟于鹹

魯地也

獲長翟僑如富父

終甥春其喉以戈殺之

富父終甥魯大

埋其首于子駒

之門

子駒魯

郭門名以命宣伯

宣伯叔孫得臣

僑如

以名其子使後世旌識其

功初宋武公之世鄭聃伐宋

武公周平王時在春秋前

二十五年鄭聃長翟國名

司徒禦之以敗翟于長丘

宋地

獲長翟緣斯

僑如祖也

晉

之滅潞

在魯宣公十五年

獲喬如弟棼如然後終其事

定王六年鄭聃伐齊王子城父獲其弟榮如埋其首于

北門

按年表齊惠公二年魯宣公之二年

衛人獲其弟簡如

獲與僑如同時鄭聃

由是遂亡

長翟之種絕

又定王時荀林父敗赤狄于曲梁乃

滅潞

曲梁今廣平縣也

鄧舒奔衛衛人歸諸晉晉人殺之

景王時楚子聞蠻氏之亂也與蠻子之無質也

質信使也

然丹誘戎蠻子嘉殺之遂取蠻氏既而復立其子焉禮

也

誘之非也立其子禮也

河敬王時楚人既克夷虎

夷虎

蠻夷叛楚者

乃謀北方左司馬貯申公壽餘葉公諸梁致蔡

于負凶

三子楚大夫也此蔡之故地

人民致方城之外

于繪關

負凶繪關皆楚地

曰吳將沂江入郢

逆流

曰沂將奔命焉為

一昔之期襲梁及霍

偽辭當備吳夜結期明日便襲梁霍使不知之梁河南梁縣西南故

城也

梁南有霍陽蠻子之邑也

單浮餘圍蠻氏

潰浮餘楚蠻子大夫

赤奔晉陰地

陰地河南山北洎東至陸渾

司馬起豐析與戎狄

楚司

馬阪也析縣屬南鄉郡析南有豐

鄉皆楚邑發此二邑人反戎狄

以臨上雒左師軍于

菑和

菑和山在上雒縣倉野在

使謂陰地之命

大夫士蔑命大夫刷

曰晉楚有盟好惡同之若將不廢

少習商縣武關

寡君之願也不然將通於少習以聽命

也將大開其武

閼道以伐晉者也

士蔑請諸趙孟趙孟曰晉國未寧安能惡於

楚必速與之

未寧時有范中行之難

士蔑乃致九州之戎

九州戎在晉陰

地陸渾者

將裂田以與蠻子而城之

以詐蠻子

且將為之卜

卜城蠻

子聽卜遂執之與其五大夫以畀楚師于三戶

三戶今丹水縣北有亭

司馬致邑立宗焉以誘其遺民

楚復詐為蠻子作邑立其宗主

盡俘以歸

元王元年楚沈諸梁伐東夷

報

三夷男女反楚師盟于

款

從越之夷三種款東夷地

秦始皇三十二年燕人盧生使入海還以鬼神事因奏

錄圖書曰亡秦者胡也

胡胡亥秦二世名也秦見圖書不知此為人胡反備北胡始

皇乃使將軍蒙恬發兵三十萬人北擊胡畧取河南地

三十三年發諸嘗逋亡人贊壻

贊謂居窮有子使就其婦家為贊壻賈人

畧取河南陝西地為桂林

今鬱林是象郡

今日南

南海以適遣

戊

五十萬人守五嶺

西北斥逐匈奴自榆中

在金城

並河以東

並音

傍依屬之陰山在五以爲三十四縣城河上為塞又使

蒙恬渡河取高闕陶山北假口

王莽傳曰五原北假膏壤殖穀北假地名也

築亭障以逐戎人徙謫實之

漢高帝七年匈奴大攻圍馬邑代王信即韓王信也降匈奴

匈奴得信因引兵南踰句注攻太原至晉陽下帝自將

往擊之會冬大寒雨雪卒之墮指者十二三

文帝三年五月匈奴入居北地河南為寇

北地郡之北黃河之南即

白羊帝幸甘泉天子車駕所至民臣為僥幸故曰幸見所居令長三老官屬親臨軒作樂賜以酒食

帛葛越巾佩帶之屬民爵有級數或賜田租之半故因謂之幸也甘泉在雲陽本秦林光宮

遣丞相灌

嬰擊匈奴匈奴去十四年冬匈奴寇邊殺北地都尉邛

功臣表云餅侯孫單以父北地都尉邛力戰死事文帝十四年封與此正合然則邛姓孫而徐廣乃云姓段說

者因曰段會宗即卽之元孫無所據也會宗漢書有傳班固不云是卽後何從而知之乎遣三將

軍軍隴西北地上郡中尉周舍為衛軍郎中令張武車

騎將軍軍渭北車千乘騎卒十萬人帝親勞軍勒兵申

教令

申謂約束之

賜吏卒自欲征匈奴群臣諫不聽皇太后

固要帝乃止

要欲也哀痛呴誓之言

於是以東陽侯張相如為大

將軍建成侯董赫內史欒布皆為將軍擊匈奴匈奴走

武帝建元三年七月越圍東甌東甌告急遣中大夫嚴

助持節發會稽兵浮海救之未至閩越兵走

六年八月閩越王郢攻南越遣大行王恢將兵出豫章
大司農韓安國出會稽擊之未至越人殺郢降兵還初
閩粵擊南粵南粵守以天子約不敢擅發兵而以聞帝
遣恢及安國皆為將軍兵未踰_與同嶺閩越王郢發兵

距險其弟餘善與宗族謀曰王以擅發兵不請故天子

兵來誅漢兵衆強即幸勝之後來益多_{言漢地廣大兵}
_{衆盛強今雖勝}

_{之後更}滅國乃止今殺王以謝天子天子罷兵固國完
來也

不聽乃力戰不勝即亡入海皆曰善即鋗殺王

_{鋗音初江切}

使使奉其頭致大行大行曰所為來者誅王王頭至不
戰而殞利莫大焉乃以便宜案兵告大司農軍而使使
奉王頭馳報天子詔罷兩將軍兵

元光六年春匈奴入上谷殺畧吏民遣車騎將軍衛青
出上谷騎將軍公孫敖出代輕車將軍公孫賀出雲中
驍騎將軍李廣出鴈門青至龍城匈奴單于祭天大會
諸國名其處為龍城獲首虜七百級廣教失師而還

元朔元年秋匈奴入遼西殺太守入漁陽雁門敗都尉

殺畧三千餘人遣將軍衛青出雁門將軍李息出代獲首虜數千級

二年正月匈奴入上谷漁陽殺畧吏民千餘人遣將軍衛青李息出雲中至高闕山名也一曰塞名在南朔方之北遂西至符離

幕北塞名也獲首虜數千級收河南地置朔方五原郡

四年夏匈奴入代定襄上郡殺數千人明年春大將軍衛青將六將軍兵十餘萬出朔方高闕獲首虜萬五千級

五年秋匈奴入代殺都尉明年二月大將軍衛青將
六將軍兵十餘萬騎出定襄斬首三千餘級還休士馬
于定襄雲中雁門四月青復將六將軍絕漠漠沙漢匈奴之南界
也沙土曰漠直度曰絕或云是塞外地名非也漠者即今之突厥中碛耳李陵歌曰經千里兮渡沙漠大

克獲前將軍趙信軍敗降匈奴右將軍蘇建亡軍獨身
脫還贖為庶人

元狩二年三月遣驃騎將軍霍去病出隴西至臯蘭

臯蘭

山名也霍去病傳曰過焉支山千有餘里合短兵鏖臯蘭下則此山是也鏖音烏尚切

斬首八千

餘級是月將軍去病公孫敖出北地千餘里過居延

居延

匈奴中地名韋昭以張掖所置居延縣者以要安處所獲居延人置此縣

斬首虜三萬餘級

匈奴入雁門殺畧數百人遣衛尉張騫郎中令李廣皆

出右北平廣殺匈奴三千餘人盡亡其軍四千人獨身

脫還及公孫敖張騫皆後期當斬贖為庶人

四年春將軍衛青將四將軍出定襄將軍去病出代各

將五萬騎步兵踵軍後數十萬人

踵接也猶言踵其踵

青至漠北

圍單于斬首萬九千級至闐顏山乃還

闐音填

去病與

左賢王戰斬獲首虜七萬餘級封狼居胥山乃還

登山祭天

築土為封刻石紀事以彰漢功兩軍戰士死者數萬人前將軍廣後將

軍食其皆後期廣自殺食其贖死

李廣傳云引兵與右將軍食其合軍出東

道又曰廣自到右將軍下吏當死贖為庶人霍去病傳亦云趙食其為右將軍平陽侯襄為後將軍此紀為誤

也傳寫者誤以右為後食其音異基

元鼎五年四月南越王相臣呂嘉等反殺漢使者及其

王王太后以衛尉路博德為伏波將軍出桂陽下湟水

湟音皇主爵都尉楊僕為樓船將軍出豫章下橫浦

一云下湏

水故歸義越侯二人為戈船下瀨將軍從粵來歸義而漢封之戈船名

嚴下瀨名申出零陵或下瀨水或抵蒼梧使馳義侯遺因巴

蜀罪人發夜郎兵下牂牁江咸會番禺六年十月遂定越地

九月先零羌與封養牢姐種解仇結盟與匈奴通合兵十餘萬共攻令居故安遂圍枹罕明年十月發隴西天水安定騎士及中尉河南河北卒十萬人遣將軍李息郎中令徐自為擊平之始置護羌校尉持節統領焉

是年南夷且蘭君殺漢使者反帝迺發巴蜀罪人常擊

南越者八校尉擊之會越已破漢八校尉不下中郎將
郭昌衛廣引兵還行誅隔滇道者且蘭

言因軍行而使誅之也

斬

首數萬遂平南夷為牂牁郡

六年秋閩粵王餘善刻武帝璽自立詐其民為妄言

妄自

尊大帝遣橫海將軍韓說出句章

說謂為悅句章會稽之縣浮海從

東方往樓船將軍僕出武林

楊僕也

中尉王溫舒出梅嶺

粵侯王為戈船下瀨將軍出如邪白沙明年冬咸入東
粵東粵素發兵距險使徇北將軍守武林敗樓船軍數

校尉殺長史樓船軍卒錢塘

錢塘會稽

縣也樓姓終古斬狗北將軍

名也樓音袁為語兒侯

越中地也今吳南亭是詒字或作鷺或作禦其音同

竟

平閩粵

元封二年四月朝鮮王攻殺遼東都尉乃募天下死罪

擊之先是朝鮮王右渠誘漢亡人滋多又未嘗入見

不朝

見天子也漢使涉何譙諭右渠終不肯奉詔

譙責讓也

何去至界

臨湞水使馭刺殺送何者朝鮮裨王長

長者裨王名也送何至湞水上

何因刺殺之遂歸報天子曰殺朝鮮將帝為其名羨弗詰拜

何為遼東東部都尉朝鮮怨何發兵襲攻殺何天子募罪人擊朝鮮其秋遣樓船將軍楊僕從濟浮渤海兵五萬左將軍荀彘出遼東誅右渠

二年夏朝鮮相尼谿相參使人殺其王右渠來降初左將軍荀彘樓船將軍楊僕擊朝鮮二將不和右將軍與使者執樓船將軍左將軍已并兩軍即急擊朝鮮朝鮮相路人相韓陶尼谿相參將軍王彥音煩相與謀曰始欲降樓船樓船今執獨左將軍并將戰益急恐不能與不能

與猶言不如也王又不肯降陶陘路人皆亡降漢路人道死尼谿相參乃使人殺朝鮮王右渠來降王險城未下故右渠之大臣成已又反復攻吏左將軍使右渠子長右渠之子長降相路人子最相路人前已降漢而死于道故謂之降相最者其子名道告諭其民誅成已故遂定朝鮮

太初元年八月遣貳師將軍李廣利發天下謫民西征大宛初貳師起敦煌西為人多道上國不能食起發也道上國近道諸國也分為數軍從南北道校尉王申生故鴻臚食讀曰飲

壺充國等千餘人別至郁成戍守不肯給食申生去大軍二百里負而輕之

員恃也恃大軍

而輕敵人攻郁成急郁成窺

知申生軍少晨用三千人攻殺申生等人脫亡走貳師

走音奏貳師令搜粟都尉上官桀往攻破郁成郁成降其

王亡走康居桀追至康居康居聞漢已破宛出郁成王

與桀桀令四騎士縛守詣大將軍

時多別將故謂貳師為大將軍

四人

相謂郁成漢所毒

言毒恨

今生將卒

卒讀曰猝

失大事欲殺莫

適先擊

適往也擊者也音丁歷切

上却騎士趙第拔劍擊斬

郁成王桀等遂追及大將軍

四年春斬
大宛王首

二年秋遣浚稽將軍趙破奴

浚稽山在武威塞北匈奴常所以為障蔽浚音俊稽

難^音二萬騎出朔方擊匈奴

天漢二年五月貳師將軍李廣利三萬騎出酒泉與右

賢王戰于天山

在西域近蒲類國去長安八千餘里即祁連山也匈奴謂天為祁連音匡夷切

今鮮卑語尚然

斬首虜萬餘級又遣因杅將軍出西河騎都尉

李陵將步兵五千人出居延與單于戰斬首虜萬餘級

陵兵敗降匈奴

四年正月發天下七科謫

吏有罪一亡命二贊婿三賈
籍六大父母有市
籍七凡七科也

及勇敢士遣貳師將軍李廣利將六

萬騎步兵七萬人出師朔方因扞將軍公孫敖萬騎

步兵三萬人出雁門游擊將軍韓說

說讀曰悅

步兵三萬人

出五原強弩都尉路博德步兵萬餘人與貳師會廣利

與單于戰余吾水上連日教與左賢王戰不利皆引還

征和三年正月匈奴入五原酒泉殺兩都尉遣貳師將

軍廣利將七萬人出五原御史大夫商丘成三萬人出

西河重合侯馬通四萬騎入酒泉成至浚稽山上音俊
下音難與虜戰多斬首通至天山虜引去因降車師皆引兵還

廣利敗
降匈奴

昭帝始元元年夏益州廉頭姑繒民反殺長吏牂牁談指同並等二十四邑凡三萬餘人皆反皆西南夷別種名也並音伴

遣水衡都尉呂破胡募吏民及發蜀郡犍為犇命萬餘

人犇古字擊牂牁大破之四年姑繒葉榆復反遣水衡都

尉呂辟胡將郡兵擊之辟音必辟胡不進蠻夷遂殺益州

太守乘勝與辟胡戰士戰及溺死者四千餘人明年復遣軍正王平與大鴻臚田廣明等並進大破益州斬首捕虜五萬餘級獲畜產十餘萬

元鳳元年三月武都氐人反遣執金吾馬適建

姓馬適名建

龍額侯韓增與大鴻臚廣明將三輔太常徒皆免刑擊之

是時太常主
諸陵縣治民

三年匈奴東擊破烏桓大將軍霍光聞之因遣使度遼將軍范明友將二萬騎出遼東邀匈奴而虜已引兵明

友乘烏桓新敗遂進擊之斬首六千餘人獲其三王首而還

六年夏烏桓復犯塞遣度遼將軍范明友擊之

宣帝本始二年匈奴數侵邊又西伐烏孫烏孫昆彌及

公主國使者上書

昆彌烏孫王之號也
國使者漢朝之使也

言昆彌願發國

精兵擊匈奴惟天子哀憐出兵以救公主秋大發兵調

關東輕車銳卒

調亦選也銳利言其選

利也調音徒鈞切選郡國吏三百石

伉健習騎射者皆從軍

伉強也音口浪切

御史大夫田廣明為

祁連將軍

祁連匈奴中山名也諸將分部廣明值此山因以為號也

後將軍趙充國

為蒲類將軍

蒲類匈奴中海名也

雲中太守田順

為虎牙將軍及度遼將軍范明友前將軍韓增凡五將

軍兵十五萬騎校尉常惠持節護烏孫兵咸擊匈奴

又云

昭帝時烏孫公主上言匈奴發騎田車師車師與匈奴為一
共侵烏孫天子幸赦之漢養士馬議欲擊匈奴宣

帝初會公主及昆彌皆遣使上書言匈奴復連發大兵
侵擊烏孫取車延惡師地收人民去使使謂烏孫趣持

公主來趣讀曰促欲隔絕漢昆彌願發國半精兵自給人馬五萬騎盡力擊匈奴惟天子出兵以救公主昆彌

漢兵大發十五萬騎五將軍分道並出遣校尉常惠使持節護烏孫兵昆彌自將翕侯以下五萬騎從西方入

至右谷蠡王庭獲單于父行及嫂居次王黎汗都尉千長騎將以下四萬級馬牛羊驢橐駝凡獲千餘萬頭烏孫皆自取其所

虜獲馬兵乃止

地節二年車師王烏貴立與匈奴結婚姻漢遣侍郎鄭吉校尉司馬慧慧音吏切許將免刑罪人田渠犁積穀欲以

攻車師至秋收穀吉慧發城郭諸國兵萬餘人自與所將田士千五百人共擊車師攻交河城破之王尚在其北石城中未得會軍食盡吉等且罷兵歸渠犁田收秋畢復發兵攻車師王於石城王聞漢兵且至北走匈奴

求救未為發兵王來還與貴人蘇猶議欲降漢恐不見
信蘇猶教王擊匈奴邊國小蒲類斬首畧其人民以降
吉車師旁小金附國隨漢軍後盜車師車師王復自請
擊破金附匈奴聞車師降漢發兵攻車師吉惠引兵北
逢之匈奴不敢前吉惠即留一候與卒二千人留守王
吉等引兵歸渠犁車師王恐匈奴兵復至而見殺也乃
輕騎奔烏孫吉即迎其妻子置渠犁東奏事至酒泉有
詔還田渠犁及車師益積穀以安西國侵匈奴吉還傳

送車師王妻子詣長安賞賜甚厚每朝會四夷常尊顯以示之於是吉始使吏卒三百人別田居車師得降者言單于大臣皆曰車師地肥羨近匈奴使漢得之多田積穀必害人國不可不爭也果遣騎來擊田者吉乃與校尉盡將渠犁田士千五百人往田匈奴復益遣騎來漢田卒少不能當保車師城中匈奴將即其城下謂吉曰即就也單于必爭此地不可田也圍城數日乃解後常數千騎往來守車師吉上言車師去渠犁千餘里間以

山河間隔也音居莧切北近匈奴漢兵在渠犁者勢不能相救

願益田卒公卿議以為道遠煩費可且罷車師田者遣

詔長羅侯常惠也將張掖酒泉騎出車師北千餘里揚威

武車師旁胡騎引兵去吉乃得出歸

元康三年先零與諸羌共盟誓將欲寇邊帝聞使光祿

大夫義渠安國義渠姓也將兵觀之安國至召先零豪四十

餘人斬之因放兵擊其種斬首千餘級於是諸羌怨怒

遂寇金城乃遣趙充國與諸將將兵六萬人擊破平之

神爵元年三月西羌反發三輔中都官徒弛刑及應募
佽飛射士羽林孤兒胡越騎三河潁川沛郡淮陽汝南
材官金城隴西天水安定北地上郡騎士羌騎詣金城
遣後將軍趙充國強弩將軍許延壽擊之

甘露二年四月遣護軍都尉祿將兵擊珠崖

元帝建昭三年秋使護西域騎都尉甘延壽副校尉陳

湯言延壽及湯本充西域之使故先橋言使而後序其官職及姓名也發戊己校尉屯

田吏士及西域胡兵攻郅支單于橋與橋同橋詐也實不奉詔許以上命發

兵故言矯發也戊巳校尉者鎮安西域無主治處也亦
猶甲乙等名有方位而戊與巳四季寄王故以名官也
時有戊校尉又有己校尉位在中央今所置
校尉處三十六國之中故曰戊巳也郅音質各斬其首

傳詣京師縣蠻夷邸門

成帝時陳立為牂牁太守立臨邛人前為連然長不韋

令皆益州縣也

蠻夷畏之及至牂牁諭告夜郎王興興不從

命立請誅之未報乃從吏數十人出行縣

行音下更切

至興

國且同亭

且音子余切

名興興將數千人往至亭從邑君數

十人入見立數責因斷頭

數音所具切

邑君曰將軍誅亡狀

為民除害願出曉士衆以興頭示之皆釋兵降也

釋解釣

町王禹漏卧侯俞震恐入粟千斛牛羊勞吏士還歸郡

興妻父翁指與興子邪務收餘兵迫脅旁二十二邑反至

冬立奏募諸夷與都尉長史分將攻翁指等翁指據陝為

壘立使奇兵絕其糧道縱反間以誘其衆

問音居見切

都尉

萬年曰兵久不決費不可共共供引兵獨進敗走趨立

營

趨讀曰趨立怒叱戲下令格之戲音許宜切又音麾

都尉復還

戰立引兵救之時天大旱立攻絕其水道蠻夷共斬翁指

持首出降立已平定西夷徵詣京師

平帝元始中車師後王國有新道出五船北通玉門關
往來差近戊己校尉徐普欲開以省道里半避白龍堆
之阨車師後王姑句鉤音以道當為柱置柱者支柱也言
柱於已故心不便也柱音竹羽切又竹具切其字從手
而讀之者或不曉以柱為誤柱反分破其句言置柱于
心皆失心不便也地又頗與匈奴南將軍地接普欲分
之矣心不便也地又頗與匈奴南將軍地接普欲分
明其界然後奏之名姑句使證之不肯繫之姑句數以
牛羊賄吏求出不得姑句家矛端生火其妻脫紫闌闌音

子侯謂姑句曰矛端生火此兵氣也利以用兵前車師切

前王為都護司馬所殺今久繫必死不如降匈奴即馳

突出高昌壁入匈奴又去胡來王唐兜國比大種赤水

羌比近也音皮寐切數相寇不勝告急都護都護但欽不以時

救助唐兜困急怨欽東守玉門關玉門關不內即將妻

子人民千餘人亡降匈奴匈奴受之而遣使上書言狀

是時新都侯王莽秉政遣中郎將王昌等使匈奴告單

于西域內屬不當得受單于謝罪執二王以付使者莽

使中郎將王萌待西域惡都奴界上逢受謂先至
待之逢見即受取也單于遣使送因請其罪請免其罪使者以聞莽不聽詔

下會西域諸國王陳軍斬姑句唐兜以示之



冊府元龜卷九百八十二

欽定四庫全書

子部

冊府元龜卷九百八十六至三

詳校官中書臣賈 錢

侍讀臣孫球覆勘

總校官庶吉士臣何思鈞

校對官中書臣葉 蘭

謄錄監生臣劉 達

欽定四庫全書

冊府元龜卷九百八十三 宋 王欽若等 撰

外臣部

征討第二

後漢光武建武十年正月匈奴左南將軍將數千騎救
盧芳將賈覽於向柳大司馬吳漢率捕虜將軍王霸等
五將軍與戰于平城下破之追出塞斬首數百級

十三年漢復將弛刑徒起亭障自代至平城三百餘里

凡與匈奴烏桓大小數十百戰

十一月先零羌寇金城隴西中郎將來歙率諸將擊羌

於五谿大破之

隴西襄武縣有五谿聚

十一年先零羌寇臨洮隴西太守馬援破降之徙置天水隴西扶風三郡

十二年武都叅狼羌反隴西太守馬援討降之

十九年九月西南夷寇益州郡

故城在今昆明縣是

晉寧縣是遣武威將

軍劉尚討之二十一年正月諸夷悉平

二十一年四月安定屬國胡叛屯聚青山

青山在今慶州馬嶺縣西

北遣將兵長吏陳訢討平之

訢音欣

十月遣伏波將軍馬援出塞擊烏桓不克

二十三年正月南郡蠻叛遣武威將軍劉尚討破之徙

其種人於江夏

郡名故城在今安州雲夢縣東南

十二月武陵蠻叛寇掠郡縣遣劉尚討戰于沅水

武陵郡今

郎州也沅水名出牂牁東北過臨洮縣至長沙洞庭湖

尚軍敗歿

二十四年七月武陵蠻寇臨洮遣謁者李嵩中山太守

馬成討蠻不克於是伏波將軍馬援率四將軍討之

二十五年十月叛蠻悉降

中元元年十二月叅狼羌寇武都敗郡兵隴西太守劉
盱遣軍救之及武都郡兵討叛羌皆破之於是軍遂班
師

明帝以中元二年二月即位九月燒當羌寇隴西敗郡
兵于允衙縣名屬金城郡遣謁者張鴻討叛羌于允吾縣名屬金城郡
十一月遣中郎將竇固捕虜將軍馬武等二將軍討

燒當羌

明年七月
大破之

永平元年

史不書月

遼東太守祭肜使鮮卑擊赤山烏桓大

破之斬其渠帥

赤山在遼東西北數千里

是年復遣中郎將竇固捕虜將軍馬武等擊滇吾於西
邯大破之始復夷叛益州刺史發兵討破之斬其渠帥
傳首京師

十五年帝欲遵武帝故事擊匈奴通西域以竇固明習

邊事

固舊隨融在西曉知邊事

拜為奉車都尉以騎都尉耿忠為

副忠弇子謁者僕射耿秉為駙馬都尉秦彭為副皆置從

事司馬並出屯涼州明年固與忠率酒泉燉煌張掖甲

卒及盧水羌胡案湟水東經臨羌縣故城北又東萬二
盧溪水出西南盧川即其地也

千騎出酒泉塞耿秉秦彭率武威隴西天水募士及羌

胡萬騎出居延塞居延塞在今甘州張掖縣東北

太僕祭彫度遼將軍吳棠將河東北地西河羌胡及南單于兵萬一千騎出

高闕塞

高闕山名在朔方北騎都尉來苗護烏桓校尉文穆將太

原雁門代郡上谷漁陽右北平定襄郡兵及烏桓鮮卑

萬一千騎出平城塞固忠至天山

即祁連山也今在西川交河縣東北今名

祁縣羅漫山擊呼衍王斬首千餘級呼衍王走追至蒲類海

蒲類海今名婆悉海在

庭州蒲昌縣東南也

留吏士屯伊吾盧城

伊吾今伊州縣也本

匈奴地明帝置宜禾都尉以為屯田故地今伊州納職縣伊吾故小城地也

耿秉秦彭絕漠

六百餘里至三水樓山

匈奴山名

來苗文穆至匈奴河水

上虜皆奔走

十六年命將帥北征匈奴取伊吾盧城

十七年十一月遣奉車都尉竇固駙馬都尉耿秉騎都

尉劉張出燉煌崑崙塞

崑崙山名因以為塞在今肅州酒泉縣西南山有崑崙之體故

名之周穆王見西王母臺擊破白山虜於蒲類海上遂入于此山有石室王母臺擊破白山虜於蒲類海上遂入

車師

章帝建初元年正月酒泉太守段彭討擊車師大破之

二月武陵澧中蠻陳從等叛十月郡兵討破降之

九月永昌哀牢夷叛明年三月永昌越駕益州三州民

夷討叛平之

二年六月燒當羌叛金城太守郝崇討之敗績羌遂寇

漢陽八月遣行車騎將軍馬防討平之斬首一千級
其年燒當迷吾與封養種豪布橋等五萬人共寇隴西
漢陽於是遣行車騎將軍馬防長水校尉耿恭討之明
年四月防等破燒當羌於臨洮

三年閏四月西域假司馬班超擊姑墨大破之先是莎
車以為漢兵不出遂降於龜茲而疏勒都尉番辰亦復
反叛會假司馬徐幹適至超遂與幹擊番辰大破之斬
首千餘級多獲生口超既破番辰欲進攻龜茲以烏孫

兵强宜因其力乃上言烏孫大國控弦十萬故武帝妻以公主至孝宣皇帝卒得其用今可遣使招慰與共合力帝納之復遣假司馬和恭等四人將兵八百詣超超因發疏勒于闐兵擊莎車莎車陰通使疏勒王忠啖以重利忠遂反從之西保烏郎城超乃更立其府丞成大為疏勒王悉發其不反者以攻忠積半歲而康居遣精兵救之超不能下是時月氏新與康居為婚相親超乃使使多齎錦帛遣月氏王令曉示康居王康居王乃罷

兵執忠以歸其國烏郎城遂降於超後三年忠說康居

王借兵還據損中

損中未詳東觀記作頓中續漢書及華嶠書並作損中本或作植未知其

孰是密與龜茲謀遣使詐降於超超內知其姦而外偽也

許之忠大喜即從輕騎詣超超密勒兵待之為供張設

樂供音居角切張音竹亮切酒行乃叱吏縛忠斬之因擊破其衆殺

七百餘人南道於是遂通後永元三年超為西域都護

徐幹為長史拜白霸為龜茲王遣司馬姚光送之超與

光共脅龜茲廢其王尤利多而立白霸使光將尤利多

還詣京師趙居龜茲此乾城徐幹屯疏勒西域惟馬耆
危須尉犁以前沒都護懷二心其餘悉定六年秋趙遂
發龜茲鄯善等八國兵合七萬人及吏士賈客千四百
人討焉耆兵到尉犁界而遣曉說焉耆尉犁危須曰都
護來者欲鎮撫三國即欲改過向善宜遣大人來迎賞
賜王侯已下事畢即還今賜王綵五百疋焉耆王廣遣
其左將北鞬支奉牛酒迎趙趙誥鞬支曰汝雖匈奴侍
子而今秉國之權都護自來王不以時迎皆汝罪也或

謂超可便殺之超曰非汝所及此人權重於王今未入其國而殺之遂令自疑設備守險豈得到其城下哉於是賜而遣之廣乃與大人迎超於尉犁奉獻珍物焉耆國有葦橋之險廣乃絕橋不欲令漢軍入國超便從他道厲度七月晦到焉耆去城二十里正營大澤中廣出不意大恐乃欲悉驅其人共入山保焉耆左侯元孟先常質京師密遣使以事告超即斬之示不信用乃期大會諸國王因揚聲重加賞賜於是焉耆王廣尉犁王汎

及北鞬支等二十人相率詣超其國相腹久等十七人懼誅皆亡入海十七字或為七十而危須王亦不至坐定超怒

詰廣曰危須王何故不到腹久等所緣逃亡遂叱吏士收廣汎等於陳睦故城斬之傳首京師因縱兵鈔掠斬首五千餘級獲生口萬五千人馬畜牛羊三十餘萬頭更立元孟為焉耆王半歲慰撫之於是西域五十餘國悉皆納質內屬焉

五年三月荆豫諸郡兵討破武陵漢中叛蠻先是三年冬漢中蠻

覃兒健等復反攻燒零陽作唐辱陵界中明年春發荊州七郡及汝南潁川弛刑徒吏士五千餘人拒守零陽募充中五里蠻精夫不叛者四千人擊漢中賊五年春覃兒健等請降不許郡因進兵與戰于宏下大破之斬兒健首餘皆棄營走還漢中者也

章和元年春羌胡雜種叛護羌校尉傅育上請發隴西張掖酒泉各五千人諸郡太守將之育自領漢陽金城五千人合二萬兵與諸郡勦期擊之命隴西兵據河南張掖酒泉兵遮其西并未及會育軍獨進迷吾聞之徙盧落去育選精騎三千窮追之夜至建威南三兜谷去

虜數十里須旦擊之不設備迷吾乃伏兵三百人夜突
育營營中驚壞散走育下馬手戰殺十餘人而死死者
八百八十人及諸郡兵到羌遂引去

七月燒當羌寇金城護羌校尉劉盱討之斬其渠帥
和帝以章和二年二月即位十月以侍中竇憲為車騎
將軍伐北匈奴

永元元年六月車騎將軍竇憲出雞鹿塞

今在朔方窳
渾縣北關馴

十三州志云窳縣有大道西
北出雞鹿塞窳音羊王切度遼將軍鄧鴻出樞陽塞

涇陽縣屬五原郡故城在今勝州銀城縣界涇音固

滿夷谷關名與

北匈奴戰於稽落山大破之追至和渠北鞬海憲遂登

燕然山刻石勒功而還

二年五月月氏國遣兵攻西域長史班超擊降之

三年二月大將軍竇憲遣左校尉耿夔出居延塞

居延縣屬

張掖郡圍北單于於金微山大破之獲其母閼氏

四年冬漢中澧中蠻潭戎等反燒燔郵亭殺畧吏民武陵郡兵擊破降之

五年九月北匈奴單于於除鞬自畔還北帝遣將兵長史王輔以千餘騎與中郎將任尚共追誘將還斬之破滅其衆

是年護羌校尉貫友討燒當羌羌乃遁去南單于安國叛骨都侯喜斬之

六年七月西域都護班超大破焉耆尉犁斬其王南單于安國從弟子逢侯率叛胡亡出塞九月癸丑以光祿勲鄧鴻行車騎將軍事與越騎校尉馮柱行度遼將軍

朱徽使匈奴中郎將杜崇討之

十一月護烏桓校尉任尚率烏桓鮮卑大破逢侯

關駟十三

州志云護烏桓擁節秩比二千石武帝置以護內附烏桓既而並於匈奴中郎將中興初班彪上言宜復此官以招附東胡於馮柱遣兵追擊復之武陵漢中蠻叛郡是復更置焉

兵討平之

八年五月南匈奴右溫禺犢王叛為寇七月行度遼將軍龐奮越騎校尉馮柱追討斬右溫禺犢王

是年衆羌擊破隴西兵殺大夏長遣行征西將軍劉尚

越騎校尉趙岱副將北軍五營黎陽雍營三輔積射及邊兵羌胡三萬人討之

九年三月遣西域將兵長史王林發涼州六部兵及羌虜胡二萬餘人以討車師後部王涿鞮獲首虜千餘人涿鞮入北匈奴漢軍追擊破之立涿鞮弟農奇為王七月燒當羌寇隴西殺長史遣行征西將軍劉尚越騎校尉趙世等討破之

十二年四月日南象林蠻夷二千餘人寇掠百姓燔燒

官寺郡縣發兵討擊斬其渠帥餘衆乃降

十三年二月西羌迷唐復將兵向塞護羌校尉周鮪與
金城太守侯霸及諸郡兵屬國湟中月氏諸隴西牢姐
羌合三萬人出塞至允州與迷唐戰周鮪還營自守惟
侯霸兵陷陳斬首四百餘級羌衆折傷種人瓦解降者
六千餘口分徙漢陽安定隴西迷唐遂弱其種衆不滿
千人遠踰賜支河首依發羌居

十四年四月遣使者督荊州兵討巫蠻破降之

安帝永初三年十月南單于叛圍中郎將耿种於羨稷

遣車騎將軍何熙度遼將軍梁慬等討之明年正月破

之於屬國故城

一云三年夏漢人韓琮隨南單于入朝既還說南單于云關東水潦人民饑

俄死盡可擊也單于信其言遂起兵反叛攻中郎耿种於羨稷秋彪卒冬遣行車騎將軍何熙副中郎龐雄擊

之四年春擅遣千餘騎寇常山中山以西域校尉梁慬行度遼將軍與遼東太守耿夔擊單于單于見諸軍並

進大恐怖顧謂韓琮曰汝言漢人死盡今是何等人也乃遣使乞降許之單于脫帽徒跣對龐雄等拜陳道死

罪於是赦之遇待如初乃還所鈔漢民男女及羌所畧轉賣入匈奴中者萬餘人

五年九月先零諸種羌攻陷上邽城

七年七月護羌校尉侯霸騎都尉馬賢討破先零羌

元初二年三月先零羌寇益州詔遣中郎將尹就討之

十二月武陵澧中蠻叛州郡擊破之

又云元初二年澧中蠻以郡縣徭稅

失平懷怨憾遂結充中諸種二千餘人攻城殺長吏州郡募五里蠻夷六亭兵擊破之

三年正月蒼梧鬱林合浦蠻夷反叛二月遣侍御史任

連督州郡兵討之

五月武陵蠻夷叛州郡討破之

又云是年秋漢中蠻四千人並為盜賊又零陵

蠻羊孫陽湯等千餘人著赤幘稱將軍燒官寺鈔掠百姓州縣募善蠻討平之

是月度遼將軍鄧遵率南匈奴擊先零羌於靈州破之
六月中郎將任尚將羽林縕騎五營子弟三千五百人
屯三輔尚遣兵擊破先零羌於丁奚城十二月尚又遣
假司馬募陷陣士擊零昌於北地殺其妻子得牛馬羊
二萬頭燒其廬落親斬首七百餘級得僭號文書及所
假諸將印綬

四年十二月中郎將任尚將諸郡兵與馬賢並進北地
擊狼莫賢先至安定青石崖狼莫逆擊敗之會尚兵到

高平因合勢俱進狼莫等引退乃轉營迫之至北地相持六十餘日戰於富平河上大破之斬首五千級還得所畧人男女千餘人牛馬驢羊駱駝十餘萬頭狼莫逃走

五年正月越雋夷以卷夷大牛種等反叛永昌益州蜀郡夷皆叛應之破壞二十餘縣詔益州刺史張喬選堪能從事討之喬遣從事楊竦將兵至楪榆擊之斬首三

萬餘級

六年春姐種與隴西種羌號良等通謀欲反護羌校尉
馬賢逆擊之於安胡斬號良及種人數百級餘皆降散
七月鮮卑寇馬城在今朔州度遼將軍鄧遵率南單于擊破
之

建光元年正月幽州刺史馮煥率二郡太守討高句驪

滅貊不尅

又云元初五年句驪復與滅貊寇玄菟攻華臺城建光元年春幽州刺史馮煥玄菟太守

遼東太守蔡諷等將兵出塞擊之捕斬滅貊渠帥獲兵馬財物其秋句驪又率馬韓滅貊數千騎圍玄菟扶餘王遣子尉仇台將二萬餘人與州郡并力討破之斬首五百餘級

延光元年七月度人種羌與上郡胡反叛攻穀羅城

屬西

河度遼將軍耿夔將諸郡兵及烏桓騎赴擊破之

二年正月旄牛夷叛寇靈開殺縣令

靈開道屬越窩郡

益州刺

史屬郡西部都尉討之

三年五月南匈奴左日逐王叛使匈奴中郎將馬翼討
破之時烏稽侯尸逐鞮單于新降一部大人阿族等遂
反叛脅呼尤徽欲與俱去呼尤徽曰我老矣受漢家恩
寧死不能相隨衆欲殺之有救之者得免阿族等遂將

妻子輜重亡去翼遣兵與胡騎追擊破之斬首及自投河死者殆盡殆近也死盡所餘無幾獲馬牛羊萬餘頭

四年西域長史班勇擊車師後王軍就初永寧元年軍就反叛殺後部司馬及燉煌行事至是大破斬之

順帝永建元年二月隴西種羌叛護羌校尉馬賢將七千餘人戰于臨洮斬首千餘級皆率衆人降自是涼州無事

二年二月鮮卑寇遼東玄菟護烏桓校尉耿曄率南單

于擊破之

六月西域長史班勇燉煌太守張朗討焉耆尉犁危須三國破之

陽嘉元年燉煌太守徐繇遣疏勒王臣槃發二萬人擊于闐先是永建四年于闐王放前殺拘彌王興自立其子為拘彌王而遣使者貢獻於漢繇上言求討之帝赦于闐罪令歸拘彌國放前不肯至是繇討破之斬首數百級放兵大掠更立興宗人成國為拘彌王而還

二年三月使匈奴中郎將王稠率左骨都侯等擊鮮卑
破之

三年四月車師後部司馬率後部王加特奴等掩擊匈
奴大破之獲其季母

七月鍾羌良封等寇隴西漢陽護羌校尉馬續擊破之
斬首千八百級獲馬牛羊五萬餘頭復進擊鍾羌且昌
且昌等詣涼州降

永和二年二月廣漢屬國都尉擊白馬羌斬首六百餘

級初羌攻破屯官反叛連年至是破之護羌校尉馬賢
又擊斬其渠帥饑指鬼祖等二百級於是隴右復平

三年十月燒當種耶離等三千餘騎突金城塞馬賢將
兵赴擊斬首四百餘級獲馬千四百匹

是年冬澧中漢中蠻二千人圍充城八千人寇夷道遣
武陵太守李進討破之

四年四月馬賢討燒當大破之斬耶離獲首虜千二百
餘級

五年四月南匈奴左部句龍大人吾斯車紐等叛圍羨
稷度遼將軍馬續討破之

九月且凍傅難種羌等反叛攻金城與西塞及湟中雜
種羌胡大寇三輔殺害長吏發京師近郡及諸州兵討
之拜李賢為征西將軍以騎都尉耿叔副將左右羽林
五校士及諸州郡兵十萬人屯漢陽又於扶風漢陽作
塢壁三百所置屯兵以保聚百姓且凍分遣種人寇武
都燒龍關掠苑馬

十一月匈奴中郎將張耽將幽州烏桓諸郡營兵擊畔
虜車紐等戰於馬邑斬首三千級獲生口及兵器牛羊
甚衆車紐等將諸豪帥骨都侯乞降

六年正月東西羌大合擊唐羌種三千餘騎寇隴西遣
中郎將龐浚募勇士千五百人頃羨陽為涼州援武都
太守趙冲追擊唐羌斬首四百餘級得馬牛羊驢萬八
千餘頭羌二千餘人降

五月使匈奴中郎將張耽大破烏桓羌胡於天山

一云
耽將

吏兵繩索相懸上通天山又是年征西將軍馬賢
將五千騎擊且凍難種羌等到射姑山賢軍敗

漢安二年四月護羌校尉趙冲與漢陽太守張貢擊燒
當羌於參戀破之參戀屬安定郡先是元年罕種羌率邑落五

千餘戶詣冲降惟燒何種三十餘落據參戀北界至是
掩擊之斬首千五百級得牛羊驢十八萬頭

閏十月趙冲擊諸種斬首四千餘級復追擊於河陽縣名

屬天水郡斬首八百級於是諸種前後詣涼州刺史降

建康元年三月護羌從事馬玄為諸羌所誘時羌衆亡

出塞領護羌校尉衛琚追擊玄等斬首八百餘級得牛馬二十餘萬頭

四月使匈奴中郎將馬寶擊南匈奴左部破之於是胡羌烏桓悉詣寶降

桓帝建和二年白馬羌寇廣漢屬國殺長史是時西羌及湟中胡復叛為寇益州刺史率板楯蠻討破之

永壽元年七月南匈奴左臺且渠伯德等叛寇美稷安定屬國都尉張奐討除之

三年四月九真蠻夷叛太守兒式討之戰沒遣九真都尉魏朗擊破之

延熹元年十二月鮮卑寇邊使匈奴中郎將張良率南單于擊破之

二年十二月燒當等八種羌叛寇隴右護羌校尉段熲追擊於羅亭破之一云追到積石山即羅亭相近今在鄯州

三年閏正月燒當羌叛寇張掖護羌校尉段熲追擊於積石山大破之

十一月勒姐羌圍允街段頽擊破之

四年十月先零沈氏羌與諸種羌寇并涼二州十一月中郎將皇甫規監關西兵擊破之斬首八百級降者十餘萬

五年七月烏吾羌寇漢陽隴西金城諸郡兵討破之八月武陵蠻叛寇長沙十月寇江陵以太常馮鯢為車騎將軍討之十一月大破於武陵

七年十月護羌校尉段頽擊當煎羌破之

八年二月段熲擊罕姐羌破之

六月段熲擊當煎羌於湟中大破之

今鄯州
湟水縣

九年六月南匈奴及烏桓鮮卑分騎數萬人入緣邊九
郡並殺掠吏人七月遣匈奴中郎將張真擊之鮮卑乃
出塞去南匈奴烏桓率衆詣真降

永康元年正月先零羌寇三輔使匈奴中郎將真破平
之當煎羌寇武威護羌校尉段熲追擊於鸞烏大破之

屬烏縣名
武威郡

十月先零羌寇三輔中郎將張真擊破之

靈帝建寧元年七月破羌將軍段熲復破先零羌於涇

陽縣名屬
安定郡

二年七月段熲大破先零羌於射虎塞外谷東羌悉平
九月江夏蠻叛州郡討平之

是年玄菟太守耿臨討高句驪斬首數百級其王伯固
降服乞屬玄菟

熹平五年益州郡諸夷反叛執太守雍陟遣御史中丞

朱龜討之不能尅太尉掾巴郡李顥建議討伐乃拜顥
益州太守與刺史龐芝發板楯蠻擊破平之還得雍陟
顥卒後夷人復叛以廣漢景毅為太守討平之

光和二年十月巴郡板楯蠻叛遣御史中丞蕭瑗督益
州刺史討之

中平三年十月武陵蠻叛寇郡界郡兵討破之

五年十一月巴郡板楯蠻叛遣上軍別駕司馬趙瑾討
平之

獻帝建安十二年八月司空曹公大破烏桓於柳城斬其蹋頓蹋頓匈奴王號
柳城今營州縣時蹋頓驍武邊長老皆比之胃

頓恃其阻遠敢受亡命以雄百蠻公潛師北伐出其不意一戰而定夷狄懾服威振朔土遂引烏桓之衆服從征討而邊民得用安息初公之北征三郡烏桓五月至無終七月大水傍海道不通田疇請為鄉導公從之引軍出盧龍塞塞外道絕不通乃塹山堙谷五百餘里經白檀歷平岡涉鮮卑庭東指柳城未至二百里虜乃知

之尚熙與蹋頓遼西單于樓班右北平單于能臣抵之等將數萬騎逆軍八月登白狼山卒與虜遇衆甚盛公車重在後被甲者少左右皆懼公登高望虜陣不整乃縱兵擊之使張遼為先鋒虜衆大潰斬蹋頓及名王已下胡漢降者二十餘萬口遼東單于速僕丸及遼西北平諸豪棄其種人與尚熙奔遼東衆尚有數千騎二十三年四月代郡上谷烏桓無臣氏等叛魏王曹公遣鄆陵侯彰討破之

魏文帝黃初二年十一月鎮西將軍曹真命衆將及州
郡兵討破叛胡治元多盧水封賞等斬首五萬餘級獲
生口十萬羊一百一十一萬口牛八萬河西遂平

六年三月并州刺史梁習討鮮卑軻比能大破之

明帝青龍元年六月保塞鮮卑大人步度根與叛鮮卑
大人軻比通私通并州刺史畢軌表輒出軍以外威比
能內鎮步度根帝省表曰步度根以為比能所誘有自
疑心今軌出軍適使二郡驚合為一何所威鎮乎促勅

軌以出軍者慎勿越塞過句注也比詔書到軌已進軍
屯陰館遣將軍蘇尚董弼追鮮卑比能遣子將千餘騎
迎步度根部落與尚弼相遇戰于樓煩二將沒步度根
部落皆叛出塞與比能合寇邊帝遣驍騎將軍秦朗將
中軍討之虜乃走漢北比能將其部衆降是後帝乃聽
王雄遣劍客
刺之然後種落離散互相侵伐強者遠遁近者請服歸
是邊隣益安漢南少事雖時頗鈔盜不能復相扇動矣
景初元年秋遣幽州刺史毋丘儉率衆軍討遼東右北
平烏丸單于寇婁敦遼西烏丸都督率衆王護留等昔

隨袁尚奔遼西聞儉軍至率衆五千餘人降寇婁敦遣弟阿羅槃等詣闕朝貢封其渠帥三十餘人為王侯齊王正始七年二月幽州刺史毋丘儉討高句麗五月討滅貊皆破之韓那奚等數十國各率種落降

八年隴西南安金城西平諸羌餓阿燒戈伐同蛾遮塞等相結叛亂攻圍城邑南招蜀兵涼州名胡治無載復叛應之討蜀護軍夏侯霸諸軍屯為翅膀雍州刺史郭淮軍始到狄道議者僉謂宜先討定枹罕內平惡羌外

折賊謀淮策蜀將姜維必來攻霸遂入湏中轉南迎霸
維果攻為翹會淮軍適至維遁退進討叛羌斬餓阿燒
戈降服者萬餘落九年遮塞等屯河關白土故城據河
拒軍淮見形上流密於下渡兵據白土城擊大破之治
無載圍武威家屬留在西海淮進軍趣西河欲掩取其
累重會無載折還與戰於龍夷之北破走之令居西虜
在石頭山之西當大道止斷絕王使淮還過討大破之